

Un'kaan akà Alomà Nsema

Mbul ikikye ungó a nkweel anà ngwiiyà a Klistó, ikamenà naa Ayudà abà bàbulà anàlakwikilà, asànaa Akilas anà Priska (Isal a Antööm 18.2), bàsemà mupay Làsan Anàbwan u Lomà. Kyakin Iköön atàtweb kyàkal kya kwo, umpal kalóonà Pól u Siri, u Azi Ikikye anà u Ngelesi. Nzam kun'pe buur mukyà « tii u ntsüü a men ». Lalan kàkwen nde mukyà Lomà anà Espanye. Ntón muyöñà nkyeen ande, nde kàson un'kaan aà kanàlakwikilà a Lomà, « akà be baar làbà u Lomà »

Uboo a un'kaan ande, Pól akaswanà naa isal ande kyà ntööm a baar mpa abà Ayudà kyà aben, nde kan'tsulà abà: Làsan Anàbwan là ngwal ufàsyääl Nzam ntón mutswà mōö a baar banswà abye anà làkwikilà, Ayudà utàtweb, wee sye anà baar mpa abà Ayudà.

Ndaa a ilwan a Ayudà anà baar mpa abà Ayudà, ntón muyöb naa nkääl a baar mpa abà Ayudà abà bàbulà anàlakwikilà ikal aben kusà a un'koon a Ayudà, yàkal ndaa a kolàkol utaan a anàlakwikilà batàtweb. Pól kàson ya sye unsà in'kaan ande myumwey asànaa Ngalàtyà. Apà nde akyeyà u mbalà mwey naa Làsan Anàbwan kàtwääl nde là

nton baar banswà ukoon nsööl. Nde wàmubaal naa Nzam afatswà möö a mbuur wanşwà awa afasa mpem aka Nde, itakal naa nde wa na.

Mbör

¹ Pol, un'syaäl a Klisto Yesu, bun'bel mukal ntööm anà bun'si ukol nton mukyään Lāsā a Nzam.

² Lāsā alà, nde kàten itaan uboo a in'kaan in'kyeel u mbwo a ngangoom ande.

³ Abun, ya yà nton Mwan ande, bun'bör unsà ndür kà itoo a David,

⁴ bun'si Mwan a Nzam anà ngwal, u mbwo a Dweelà In'kyeel, nton ngwiiyà ande uboo a aku; Yesu Klisto, Mwol abi.

⁵ U mbwo a nde, bi kàwel kab a ngway mukal ntööm nton musyen, kà iköb ande, in'sen myan-swà mpa amyà Ayudà mukun'kyey u mbwo a làkwikilà,

⁶ in'sen làbà be sye uboo mwo, be baar làwel làbeel a Yesu Klisto,

⁷ - akà aton banşwà abà nkween a Nzam, u Lòmà, abà bàwel làbeel a Nzam mukal bà in'kyeel, wey be làwel kab a ngway anà duu byan'fà akà Nzam awà Taaràbi anà akà Mwol Yesu Klisto.

Pol anà aklisto a Lòmà

⁸ Mē in'takwen mufuur an'toon akà Nzam amē u mbwo a Yesu Klisto nton be banşwà, nton u mēen manswà bàmutà imbal a làkwikilà abe.

⁹ Nzam awa in'fasyaäl mē unsà dweelà amē, u mbwo a Lāsā Anàbwan a Mwan ande, nde wà mbal amē naa mē in'falatà din taan lanswà.

¹⁰ Taan lanswà, unsà ngyamàkà amɛ, mɛ in'fàlɔm naa unsà ukwen a Nzam, mɛ in'mɛn ipɔl aɲàbwanɲ muya akà bɛ.

¹¹ Unsà ya yanswà, mɛ iwe anà ngyal mukàlaman ntɔn mukàlapà kab a Dweelà ntɔn bɛ làkàl bànàtsim.

¹² Itàkal naa u mbwo abɛ, bi banswà iwɛl ngwal, amwɛy anà bumwɛy, u mbwo a làkwikilà abi banswà, làbɛ asànaa làmɛ.

¹³ Atɔɲ, mɛ in'kwen anki mukalawɛy ukɔɔn ayɔb naa mɛ in'fàkal anà an'kyàn muya akà bɛ, ntɔn muwal imbɛɲ imwɛy akà bɛ, asànaa akà in'sɛɲ myumwɛy mpa imyà Ayudà, wɛɛ tii apanà mɛ ipɔl nàtaman anki.

¹⁴ Mɛ, mɛ in'we anà nkul a Angeleki asànaa yà baar mpa abà Angeleki, yà aɲan'yeerà asànaa yà insil.

¹⁵ Kyakin, mɛ in'we anà ngyal mukyàän Làsan Aɲàbwanɲ akà bɛ sye baar làbà u Loma.

Ngwal a Làsan Aɲàbwanɲ

¹⁶ Ntɔn mɛ in'we anki anà nswɛn a Làsan Aɲàbwanɲ, ntɔn la là ngwal a Nzam ntɔn mɔɔ a mbuur awe anà làkwikilà, utàtwɛb akà Un'yudà, ungo akà Ungeleki.

¹⁷ Ntɔn balàbal a Nzam làfàmenà u mbwo a la, unsà làkwikilà anà ntɔn làkwikilà, asànaa bàsɔn ya naa: « Mbuur awà balàbal unsà làkwikilà akyer asàwà mɔɔ. »

Man'be a baar mpa abà Ayudà

¹⁸ Apan sye, nkyel a Nzam ifàmenà fà du ntòn mutòn ukwòn inzaam anà nsan a nkool a baar bàfàkaar ndandaa uboo a ntsuul a nsan a nkool.

¹⁹ Ntòn undiir ban'kwo muyob akà Nzam, wa afàmenà ntòn ba: Nzam kàkyameey wa.

²⁰ Abun, fà kàkyer Nzam meen, nsyaäl ande yàñàsöön ubwan yàñàyeey, ngwal a mbul a in'tye anà inzaam ande, byàkyer afàmenà ubwanàbwan unsà un'yenà u mbwo a isal ande. Abun, baar un'loon baweel anki.

²¹ Ntòn, itàkal naa ba bàyob Nzam, ba nde làkoo bun'si anki asànaa Nzam, an'twòn sye bun'fuur anki. Wëe an'kyän aba màbulà màbunàbun, mpem aba yà unsil yàbilà uboo a làpib.

²² Ba bàkyeyà uyol naa ba bà anayeerà, kyekà ba bàbulà anjukon:

²³ Ba bàsööm làkoo a Nzam mpa afàsöömà anà itek a mbuur afàsöömà, anà itek a nen, anà ntsur a in'kol in'nà, anà ntsur yàfilan.

²⁴ Kyakin Nzam kawey nde naa mpem aba ikyer ukwen aba unsà mbiin, ntòn ya ilwom làkoo a ndür aba ñakwo.

²⁵ Ba bàsööm ndandaa a Nzam asye a loor, ba bàpe làkoo anà bàsyäälà undiir bàkyer kà ikal a Nkyer awàñàsaak, mbul a in'tye. Wöwó!

²⁶ Lalan, Nzam kasolà nde akà ilään a nşwen: Akyay aba bawey mukal anà abaal, ba bàbulà mukal ba a ba.

²⁷ Abaal sye u mper yàba, bàpiy nkääl anàbwan anà un'kaar, ba bàbilà unsà ilään a amwey anà

bumwey, mukyer ndaa a nswen a baal anà baal, anà muwal unsà ndür aba, bweel a balàbal ntòn ndiimà aba.

²⁸ Asànaa mpa bàmén ba naa ndöñ yatéy muyób Nzam, Nzam kasolà akà un'yená aba aköñ an'kyän anàbwan: kyakin bàkyerà ba indiir mpa ban'kwo ba mukyer.

²⁹ Ba bāñàýol a un'kool anàýon wà ifà ifà, wà làmfèel, wà ngyal a ngim, wà nkyel, wà un'kol, wà ndwää a baar, wà an'sye, wà impeenà, wà indiir a nswen, anambäma,

³⁰ anjatwee, ayiin a Nzam, anunköñ, anuyol, aswesweey, anun'yená abe, anambëey a aböör aba,

³¹ bàköñ un'yená, bàköñ in'koon, bàköñ mpem a ukwen, bàköñ ngyeb.

³² Itàkal naa ba bàkyäýöb ubwanàbwan ntsüül a nsan a Nzam ayiteená naa baar bàfàkyer indiir abi bàkyà ukwà, ba kà nà bàfàkyer bya mpel anki, ba bàfàkyey sye baar bàfàkyer bya.

2

Ntsüül a nsan a Nzam

¹ Abun, ngye, ngye un'loñ bàsawèel anki, ngye, itàkal naa ngye awà nà, ngye mbuur afàtsul mbar. Ntòn, afàtsul ngye mbar a mbuur asin, ngye awàñàkwelà ngye ñakwo, ntòn ngye afàkyer abun, ngye mbuur afàtsul mbar.

² Kyekà, bi ikyà'yòb naa ntsuùl a nsan a Nzam ifàkal unsà ndandaa ifàpà ngo'akà baar bàfàkyer indiir abin.

³ Nkye ngye akasii, ngye mbuur afàtsul nsan a baar ban'kyer anà afàkyer asànaa ba, naa ngye ayàkwelà anki u ntsuùl a nsan a Nzam?

⁴ Taan lumwey ngye awàmudya un'siina un'naan a ubwan ande, nkaän a mpem anà un'kaay ande. Nkye ngye ayòb anki naa ubwan abà bàmusiina ngye u mbuul a mpem?

⁵ Unsà mpem bwoor angye, unsà mpem angye mpa ikwen musòomà, ngye awàmubel nkyel a kolàkol akà ngye ñakwo, nton ilà' a nkyel a Nzam, ilà usàmèy nde ntsuùl a nsan ande yà balàbal,

⁶ nde asàfuur mbuur mbuur asànaa akyà isal ande:

⁷ mōō a mbul a in'tye akà baar akwà, u mbwo a mukuünà aba mukyer ubwan anà mulen lākoo, ibyāäl anà mōō mpa afàtay,

⁸ wèe nkyel anà mfuunà a mpem akà ba akwà, nton muton uwem, bàfàlwomà u mbwo a ndandaa anà bàfàlab mbwo ikōōn balàbal.

⁹ Ngyeb mbōōn anà bōōmà mbōōn byàsàkal nton mbuur afàkyer ube, utàtweb akà Un'yudà, ungo'akà Ungeleki.

¹⁰ Wèe lākoo, ibyāäl anà duu byàsàkal akà mbuur wanswà afàkyer ubwan, utàtweb akà Un'yudà, ungo'akà Ungeleki,

¹¹ nton akà Nzam un'kōōl anàyon watay.

¹² Baar banswà bàkyer man'be ukōōn un'kōōn,

bàsàkwà sye ukwɔn un'kɔn. Baar banswà bàkyer man'be uboo a un'kɔn bàsatsuùl nsan u mbwo a un'kɔn.

¹³ La itàkal naa baar bàfàwem un'kɔn abà bàbalabal kusa a Nzam, wɛɛ baar bafasyaál un'kɔn.

¹⁴ Isàkal naa baar mpa abà Ayudà, mpa bàyob un'kɔn, abà bàfàkyer balabal ndaa ufaswan un'kɔn, un'kɔn awà amu ba ñakwo, ba baar bàkɔn un'kɔn.

¹⁵ Ba ban'swan naa isal ukweenà un'kɔn kyànàson u mpem aba, an'kyän aba màmutà imbäl sye, ntsüül a nsan u mpem aba taan lāmwey ikyer afapel, taan lumwey ikyer afawɛl.

¹⁶ Ndaa ayin yanwsà isàmenà u mii a mii, umpal usàtsul Nzam nkaäl a baar yànàyee u mbwo a Yesu Klistɔ, asànaa awà ya unsà Làsan Anàbwan in'falɔn mɛ.

Ayudà anà un'kɔn

¹⁷ Wɛɛ, ngye mbuur bàfabel Un'yudà, afàsà mpem angye unsà un'kɔn anà afaswan ngaal ntɔn Nzam angye,

¹⁸ ngye akyáyob ukwen ande, un'kɔn ande kàkyalɔn naa ufàsɔl aben ndaa a mfun, ntɔn wa bàkyalɔn,

¹⁹ ngye mbuur an'sà kam naa ngye afàsyen ikwàmii, ngye awà pɛlè a baar abà uboo a làpib,

²⁰ un'kɔn insil anà wà baar mpa abyee anà ngyoób, ntɔn ngye ngyoób anà ndandaa an'wal uboo a un'kɔn ...

²¹ Inye, ngye awey bää'awa un'loŋ a baar asin, nton nkye mpa alɔŋà ngye, ngye ŋakwo? Ngye afàlɔŋ naa bàkɔŋ ayib, nton nkye ngye ŋakwo afàyiɓ ngye?

²² Ngye afàtsun baar mutà inswem, nton nkye ngye ŋakwo afàtā ngye inswem? Ngye mbuur afàman itek ŋingyääy, wɛɛ ngye afàwal indiir a ngwal u ndwā a nzam aba!

²³ Ngye afàswan ngaal angye nton un'kɔŋ, wɛɛ ngye afàbey Nzam utaan afàdwa ngye un'kɔŋ!

²⁴ Abun, ya yàŋàson naa: « Nton bɛ, ikɔb a Nzam kyàŋàbey aka in'sen asin. »

²⁵ Ndandaa naa nkyɛy yā mfun isàkal naa ngye afàsyāal un'kɔŋ, wɛɛ, isàkal naa ngye afàbey un'kɔŋ anà nkyɛy, ngye, ngye awā asānaa mbuur mpa awàŋàkyey.

²⁶ Isàkal naa mbuur mpa awàŋàkyey afàlab in'kɔŋ, nkye Nzam ayun'kyey anki asānaa nde wàŋàkyey, itàkal naa nde kà wàŋàkyey anki?

²⁷ Abun, mbuur mpa awàŋàkyey u ndūr ande usilabà un'kɔŋ, nde asatsuul nsaŋ, ngye mbuur awe anà un'kaan a un'kɔŋ anà nkyɛy, wɛɛ ngye afàbey un'kɔŋ.

²⁸ Nton, kà ndaa ifàmenà u mii anki ifàkyer Un'yudà, itàkal idiim ifàmenà u ndūr kyan'kyer nkyɛy,

²⁹ wɛɛ ndaa aŋàyee ifàkyer Un'yudà, anà nkyɛy yā yā uboo a mpem, nkyɛy ifàfà amu Dweelà, kà kà un'kaan anki. Un'yudà a ndandaa

awà, làkɔɔ ande afàwal anki akà baar, wɛɛ akà Nzam.

3

¹ Abun, bweel nà Ayudà bye alà? Mfun a nkyeey nkye?

² Mfun yà unsà indiir mbɔɔn! Ntɔn Ndaa a Nzam bàtwab atàpa akà ba. -

³ Ininà? Isàkal naa bàmbɔɔn uboɔ a ba bàkal anki balàä, nkye ukɔɔn làä aba alà layalwom làä a Nzam?

⁴ Kabwey anki! Wey Nzam bun'yob naa nde wà ndandaa, mbuur wanswà wà mbuur a loor, asànaa bàsɔn ya naa:

« Yubwan bayob naa ngye awà balabal unsà ndaa angye,
naa ngye afàwal iboŋ isàkal naa bàmatsüül nsan.
»

⁵ Wɛɛ bi iten aben, isàkal naa un'kɔɔl anàyon abi afàsà balabal a Nzam ukɔl? Nkye Nzam ka we anà un'kɔɔl anàyon anki kidwa nde unsà nkyel ande? Mɛ in'wàmuten unsà an'kyän a imbuur.

⁶ Kabwey anki! Ntɔn abun, Nzam meen nsan asun'tsüül aben?

⁷ Wɛɛ, isàkal naa u mbwo a loor amɛ, ndandaa a Nzam ifàpäämbɔɔn ntɔn làkoo ande, ntɔn nkye, mɛ, tii lalà ban'tsüülà ba nsan asànaa mbuur un'be?

⁸ Abun, ntɔn nkye mpa ban'kwo muten naa:
« Wey bi ikyer ube ntɔn ubwan bàtoo mwo »?
Ntɔn baar amwey bàfibäma naa bi bàfàlɔn abwey.
Baar aban ban'kwo muwal ntaanàmbar!

Mbuur a balàbal watèy

⁹ Wée ininà? Bi Ayudà, bweel nà bi ifàkal alá? Akà ikikye! Ntòn bi bàkyàtsul mbar naa baar banswà, Ayudà asànaa Angeleki, bà ungyel a iköb a man'be.

¹⁰ Asanaa bàsòn ya naa:

« Mbuur a balàbal watèy, itàkal akà mwey,

¹¹ akà mbuur a an'yeerà watèy, mbuur alenà Nzam watèy.

¹² Ba banswà bàkyàbwà ndwan, bàkyàyoö. Akà mwey afàkyer ubwan watèy, itàkal akà mwey mpel.

¹³ Un'kwaal aba wà asànaa an'dii anàduub, làlem aba làfàkòn loor, an'te a ntäy mà ungyel a itööm aba.

¹⁴ Mun aba wànyàyol a in'küül anà buul.

¹⁵ In'kol aba myà nswèy mupay an'kil,

¹⁶ Ntèl a upay anà ngyeb yà u mbwo a ba,

¹⁷ anà mbwo a duu ba bàyöb anki.

¹⁸ Böömà a Nzam akà ikikye u mii a ba latey. »

¹⁹ Kyekà, bi bàkyàyöb naa ndaa yanswà kan'ten un'koon, wa kan'ten akà baar abà u ngyel a un'koon, ntòn mun wanswà ukal wànyàbain anà meen manswà mànyàkwàndwà u mii a Nzam.

²⁰ Wée, akà mbuur mwey usàmenà anki wàbalàbal kusà a nde u mbwo a isal a un'koon, ntòn un'koon aswanà nà man'be mpel.

Làkwikilà làfàpà balàbal

21 Wée apanà, u nsaay a un'koon, balàbal a Nzam làkyer amenà, un'koon anà anangoom bun'teelà imbal.

22 La là balàbal a Nzam u mbwo a làkwikilà amu Yesu Klisto nton baar banswa bafun'kyey, nton nsöön yatey:

23 ba banswà bàkyer man'be, anà batsuñ làkoo a Nzam.

24 Wée ba batwey bangway balàbal u mbwo a kab a ngway ande nton ntsuunà amu Yesu Klisto.

25 Nzam nde kàpe asànaa iboon muson man'be a baar u mbwo a làkwikilà. Iboon aki iswanà balàbal a Nzam, mpa kàpe nde ntaanàmbar akà man'be bàkyer itaan,

26 utaan a nkään a mpem ande, nton muswan balàbal ande u taan alà nton nde ukal wabalàbal anà mutwey balàbal a mbuur kan'sà làkwikilà amu Klisto Yesu.

27 Nkye apanà we anà undiir afàkyey uyol? Akà mwey watey! Nton nkye? Unsà un'koon nà? Nkye wà isal? Naa, wée kà un'koon a làkwikilà.

28 Bi bàkyayòb naa mbuur afàtoo wabalàbal u mbwo a làkwikilà, wée kà u mbwo a isal a un'koon anki.

29 Isàkal abwey, nkye Nzam wà Nzam a Ayudà mpel? Nkye Nde kà wà Nzam a in'sen myumwey anki? Ya yà ndandaa naa nde sye wà Nzam a in'sen myumwey,

30 nton Nzam wà mwey: Nde asàtwey balàbal baar anàkyey u mbwo a làkwikilà, anà baar mpa abànàkyey u mbwo a làkwikilà.

31 Nkye apanà, ikaswanà naa u mbwo a làkwikilà bi kan'lwom un'koon? Naa, bi kan'pà wa ngwal.

4

Abàlam ñalàkwikilà

1 Abun, bi iten aben nton nkaa abi Abàlam? Ininà nde kàwèl unsà imbuur?

2 Isakal naa Abalam bun'twey balàbal u mbwo a isal ande, nde kàlakal anà ngyal musen an'pey, wɛɛ kà kusà a Nzam anki.

3 Apan, Ndaa Anàson iteenà aben? Abàlam kàsi làkwikilà amu Nzam, kyakin Nzam kun'twey nde wàbalàbal.

4 Kyeka, mbuur afàkyer isal mwey, làfur làṅàtɔol a làä, kà sànaa kab a ngway anki, wɛɛ asànaa nkul.

5 Isakal naa mbuur ufàkyer anki isal, wɛɛ nde afàsà làkwikilà akà Mbuur afàtwey baar a man'be balàbal, làkwikilà ande làṅàsà un'tal unsà balàbal.

6 Kyakin David uteenà nde nton un'sak a mbuur kan'twey Nzam wàbalàbal mukoon alab isal:

7 un'sak akà baar bàmadwàäl nkul a an'kyän an'be aba, anà bàkyàfwe man'be aba!

8 Un'sak akà mbuur mpa ufàsyeele Mwol un'tal a man'be ande!

9 Nkye un'sak a kolàkol awà wà nton bàṅàkyey mpel, lɛɛ wà sye nton baar mpa abàṅàkyey? Kyakin, waa bi iten naa: làkwikilà a Abalam bun'syel asànaa balàbal.

¹⁰ La bun'syeel taan nà? Kusà lɛɛ ungo'a nkyeey ande? Naa, kà ungo' anki, wɛɛ kusà.

¹¹ Ungo' amukun'pà, ba bun'si isii a nkyeey asànaa inyem a balàbal kàwɛl nde u mbwo a làkwikilà, utaan kakàl nde nàtun'kyey anki. Kyakin awà nde taa a baar banswà mpa abànjàkyey, nton ba sye bàbulà baar a balàbal,

¹² anà taa a bànjàkyey, a baar abà uboo a un'sen a bànjàkyey mpel anki, wɛɛ baar ban'lab sye ntààm a làkwikilà a taaràbi Abàlam, kusà mukun'kyey.

Làkwikilà anà ilää' a Nzam

¹³ Ka nton u mbwo a un'koon anki, wɛɛ u mbwo a balàbal a làkwikilà naa ilää' awal kwal a mɛɛn bapɛ Abalam, itakal itoo ande.

¹⁴ Isàkal naa kwal alà baar bàfàlab un'koon bàwal la, làkwikilà mfun lafàkal anki, ilää' ifàkal anki.

¹⁵ Nton un'koon afàtwaal nkyel. Kyekà, kà ikal ikoon un'koon, mbɛɛy a un'koon sye yatey.

¹⁶ Kyakin, ikyee bàfàbulà u mbwo a làkwikilà, nton ya ikal u mbwo a kab a ngway, nton ilää' ikal nton itoo a Abàlam kyanswà, kà nton baar bàfàlab un'koon mpel anki, wɛɛ sye baar bàfàlab làkwikilà a Abàlam, awà taaràbi banswà,

¹⁷ asànaa bàson ya naa: « Mɛ kabuul taa a in'sen mboon. » Nde wà taaràbi kusà a mpuur kàsi nde làkwikilà, Nzam, afapa aku'möö ana afabel indiir mpa byàkal akà ikikye asànaa bya byàkyàkal.

¹⁸ Ukoon asà an'kyan ande ukwɛl a làkyan lanswà, nde kàsi làkwikilà, waa kàbulà « taar a

in'sen mboon » asànaa bàten ya a nde naa: « Itoo angye isàkal mboon. »

¹⁹ Nde kàkal tsutsu mukolà mbul nkam, wɛɛ làkwikilà ande làkal ka paa, itàkal naa ndür ande yàkal yànyàyon anà un'kyay ande Saal kàkal ikɔb.

²⁰ Ukoon asà mpem bwoor akà ilää; nde kàsi ngwal unsà làkwikilà, waa kasi Nzam làkoo.

²¹ Nton nde kàkyer ayob ubwanàbwan naa Nzam usàpà ilää; nde akyer afàkolà kya sye, nde we anà ngwal mukwey kya.

²² Kyakin bun'twey ba wàbalàbal.

²³ Kyekà, bàsɔn anki nton nde mpel naa: « Nde bun'twey wàbalàbal. »

²⁴ Wɛɛ nton bi sye, bàsitwey bàbalàbal, bi baar ifàsà làkwikilà amu Nde awà kàwiiy Mwol abi Yesu uboo a aku.

²⁵ Nde bàkyer un'kab nton ibii abi, waa kàwiyà nton mutwey bi bàbalàbal.

5

Möj a duu anà Nzam

¹ Abà, bitwey ba bàbalàbal u mbwo a làkwikilà, bi ibà a duu anà Nzam u mbwo a Mwol abi Yesu Klistɔ.

² Amu nde, bi kan'wal mbwo u làkwikilà, unsà kab a ngway alà ifàkal bi anàtsim uboo a la anà ifàswan bi ngaal unsà làkyan a làkoo a Nzam.

³ Yumwey, bi ifàswan ngaal itàkal uboo a ngyeb anàdiir, bi ikyàyob naa ngyeb anàdiir ifabɔr mukuüna,

⁴ mukuünà afàpà ntsim uboo a nsii, ntsim uboo a nsii ifàbòr làkyàn.

⁵ Kyekà, làkyàn làfàkur anki, ntòn ukwen a Nzam bànyàɔl u mpem abi u mbwo a Dweelà In'kyeɛl awà bipe.

⁶ Ntòn, utaan bàkōñ bi ngwal, Klistò kàku'ntòn baar a man'be, utaan làkwe la.

⁷ Yà mpay naa mbuur uku' ntòn mbuur a balàbal, taan lumwey, yan'kwo ikal naa mbuur mwey ukal anà un'kanà mukyey ukwà ntòn mbuur anàbwan.

⁸ Wɛɛ Nzam afàswan ukwen ande akà bi: Ntòn, u taan bàkal bi baar a man'be, Klistò kàku'ntòn bi.

⁹ Ntòn apanà, bi bàkyitwey balàbal u mbwo a an'kil nde, abun, bi sye isàwà mōō u nkyel.

¹⁰ Kyakin, isàkal naa bi bàkal ayiinj a Nzam, bi bàkyàbulà un'tuüb anà nde u mbwo a nkweel a Mwan ande, awà bi unsà un'tuüb, bi ikyer asàwà mōō u mbwo a mōō ande.

¹¹ Kà nà abwey mpel anki, bi bàfàswan ngaal amu Nzam u mbwo a Mwol abi Yesu Klistò, u mbwo ande apanà, bi bàwel lōñ.

Adam anà Klistò

¹² Kyakin, asànaa u mbwo a mbuur mwey man'be màbilà u meen manswà, waa ube bàtwaäl ukwà, waa ukwà bàbilà mbuur wanswà ntòn baar banswà bàkyer man'be.

¹³ Ntɔn, fà nsemà tii un'kɔɔn, man'be màkal u mɛɛn. Wɛɛ, ntaanàmbar yàkal anki ntɔn man'be, un'kɔɔn kàkal anki.

¹⁴ Kyeka, fa Adam tii akà Mɔsɛ, ukwà bàkyer akal, itàkal akà baar mpa bàkyer man'be, akɔɔn ngweem asànaa mà Adam, ifà a mbuur awà ayàya.

¹⁵ Wɛɛ, ye anà nsòɔn uboo a kab a ngway anà ibii. Ntɔn, isàkal naa u mbwo a man'be a mbuur mwey, bàmbɔɔn bàkyen ukwà, lalan sye, u mbwo a kab a ngway a Nzam, kab a ngway lan'fà akà mbuur mwey, Yesu Klistɔ, lan'sòɔn ntɔn baar mbɔɔn.

¹⁶ Yumwey, kab a Nzam lan'lyaan man'be a mbuur mwey u mfun: abà, u mbwo a man'be a mbuur mwey, ntsüül a nsan yan'pà ntaanàmbar, kyeka, kab a ngway bàpɛ ungo a ibii mbɔɔn, lan'lwom ntaanàmbar.

¹⁷ Ntɔn, isàkal naa u mbwo a ibii a mbuur mwey, ukwà bàkyer ayaal, abun sye, u mbwo a Yesu Klistɔ mpel, baar bàfàwal kab a ngway mbɔɔn anà kab a balàbal, bàsàyaal u mɔɔ.

¹⁸ Abun, ntɔn ibii a mbuur mwey, mbuur wanswà kàwel ntaanàmbar, abun sye, isal a balàbal a mbuur mwey, kyà ntɔn baar banswà bàwel balàbal làfàpà mɔɔ.

¹⁹ Abun sye, unsà ukɔɔn ngweem a mbuur mwey, baar mbɔɔn bàbulà baar a man'be, ifà imwey sye, unsà unkyeey a mbuur mwey, un'kabɔ bàbulà bàbalàbal.

²⁰ Kyeka, un'kɔɔn kan'ya ntɔn ibii ibey, wɛɛ,

kà ikal man'bilà man'be mbwɔn, kab a ngway lan'sɔɔnà.

²¹ Kyakin, asànaa man'be man'yaal ntɔn ukwà, apan u mbwo a balabal, kab a ngway layaal ntɔn mɔɔ a mbul a in'tye u mbwo a Yesu Klistɔ, Mwol abi.

6

Ukwà anà mɔɔ amu Klistɔ

¹ Apanà, ininà bi iten? Nkye bi ikal tii kunà uboo a man'be ntɔn kab a ngway làsɔɔnà?

² Njaa! Bi kàkyàfuràkwà ntɔn man'be, bi iyàfàkal aben uboo a man'be?

³ Aben, be lan'diimà naa bi banswà kàwel ndüümà amu Klistɔ Yesu, nkye unsà nkweel ande ayi, waa bi kàwel ndüümà?

⁴ Unsà ndüümà, bi bidyee u mbwo a nkweel ande mbwo mwey anà nde, ntɔn yà asànaa Klistɔ kàwiyà nde uboo a akü'u mbwo a làkoo a Taa, bi sye iwal mɔɔ akün.

⁵ Ntɔn, isàkal naa bi bàkal un'tuüb unsà ukwà ande, bi sye isàkal anà wa u ngwiiyà ande.

⁶ Wey bi iyòb naa: imbuur itaan kàkal bi akyà, bàkyàbèerà u kulunsi anà Nde ntɔn mudwa ndür a man'be yi anà bi ikɔɔn akal asɔ a man'be.

⁷ Ntɔn mbuur awà kan'kwà, nde bàmutwey balabal unsà man'be.

⁸ Kyeka, ntɔn bi ban'kwà anà Klistɔ, bi ban'kyey naa bi isàkal sye u mɔɔ anà Nde.

⁹ Ntɔn bi ikyà yòb naa Klistɔ awà kàwiyà uboo a aku, ufàsàkwà anki: ukwà bàfàkal anki anà ikòb udu a Nde.

¹⁰ Nde kàkú ntɔn man'be, mbalà mwey ipepey. Wɛɛ apanà, nde we anà mɔɔ, mɔɔ ande wà ntɔn Nzam.

¹¹ Abà sye be, be làmɛnà asànaa be làkyàkwà unsà man'be, be làwe anà mɔɔ ntɔn Nzam amu Klistɔ Yesu.

¹² Lalan, wey man'be màkɔɔn akal anà ikòb udu a ndür abe yà ukwà ntɔn mufàkyey ilään a ya.

¹³ Twon lan'pà itiir a ndür abe akà man'be asànaa an'tà a indiir ikɔɔn balàbal. Wɛɛ, làpe mɔɔ abe akà Nzam asànaa baar bàwiyà uboo a aku, waa abye anà mɔɔ. Lun'pe itiir a ndür abe asànaa an'tà a indiir a balàbal. Labilà unsà isal a Nzam.

¹⁴ Ntɔn man'be màfasàkal anki anà ikòb udu abe, ntɔn be làfàkal anki ungyel a un'kɔɔn, wɛɛ ungyel a kab a ngway.

¹⁵ Ininà abun? Nkye bi ikyer man'be naa ntɔn bi bàfàkal anki ungyel a un'kɔɔn, wɛɛ ungyel a kab a ngway? Kà abwey anki!

¹⁶ Nkye be làyòb anki naa kya be làsàkal uboo a isal a mbuur asànaa asɔ ntɔn mukun'kyey, be làbà asɔ a mbuur wa làkakyeyà be wà? Itàkal isɔ a man'be ifàsyen kà ukwà, itàkal isɔ a nkyeey ifàsyen u balàbal?

¹⁷ Wɛɛ bi bàfuur an'tɔɔn akà Nzam: kusa be làkal asɔ a man'be, wɛɛ apanà, be làkyakyey u mpem abe wanswà an'kɔɔn a kiin amà bàlapɛ.

¹⁸ Abun, be làkyàlwomà ungyel a man'be, waa

lan'bulà aso a balabal.

¹⁹ Me in'teena unsa imbuur, nton be sye labà baar. Nton, asànaa làpe be itiir a ndür asànaa aso unsa isal a mbiin anà kyalingyoomà abyà ifàsyen muton Nzam, abun sye, làpe bya apanà nton bya ibulà ungyel a iso a balabal alá làfàsyen kà un'kyeel.

²⁰ Umpal lakaì be aso a man'be, be lakaì nsaay kusà a balabal.

²¹ Be bweel nà làwel? Nàbawà be labà u nswen, nton ntsüü a ma ukwà.

²² Wée apan be lakyàlwomà ungyel a iso a man'be anà làkyàbulà aso a Nzam, be lan'wal bweel làfasyen kà un'kyeel, waa ntsüü a ya, yà möö a mbul a in'tye.

²³ Nton làfur a man'be là ukwà, wée kab a ngway a Nzam là möö a mbul a in'tye amu Mwol abi Klisto Yesu.

7

Un'klisto anà un'koon

¹ Aton, ikamenà naa be lan'diimà - me in'teena a baar bayob un'koon - naa nkye be layob anki naa un'koon afakal anà ikob udu a mbuur nà utaan awà nde anà möö?

² Abun, un'kaar anàbääl wà un'tüüb, unsa un'koon, anà mbääl ande utaan awà nde anà möö. Wée nde usakwà, nde ufakal anki ungyel a un'koon a bor.

³ Aba, isakal naa nde kan'wal un'dim asin utaan awà mbuur awà anà möö, nde kan'tà inswem.

Wée, isàkal naa un'dim kan'kwà, nde kan'bulà nsaay kusà a un'koon, apan nde uyàkal anki njinswem mubulà un'kyay a mbuur asin.

⁴ Abun sye nton be, aton ame, be bàkyàlasà kà ukwà kusà a un'koon, u mbwo a ndür a Klisto, nton mubulà baar a mbuur asin, Mbuur awà kàwiyà uboo a aku, nton bi itwey mben nton Nzam.

⁵ Kyakin, utaan kàkal bi unsà in'twan, ilään a man'be mǎfũ unsà un'koon, mǎsyǎǎlǎ itiiir a ndür abi, nton bi itwey mben nton ukwà.

⁶ Wée apanà, kàkũ bi unsà ikõb kyàkǎǎrà bi kà iso, bi kàkyátooo nsaay kusà a un'koon. Nton bi isal ungyel a ikõb akũ kyà Dweelà, wée kà ungyel a ikõb itaan kyà un'koon anàson anki.

Un'koon anà man'be

⁷ Abun, ininà bi iten? Nkye un'koon wà man'be? Kà abwey anki! Wée, yalàkal naa un'koon watēy, mē man'be kàlàyob anki. Abun, mē kàlàyob anki ngyoöm a mpem, yalàkal naa un'koon kàteen anki naa: "Twon an'yoṃ mpem."

⁸ Mulab ndaa ayi, man'be mǎbör amu mē ngyoöm a mpem yà ifà ifà u mbwo a nswēēy. Nton, yalàkal naa un'koon ukõn, man'be mǎlǎkal undiir anàkwà.

⁹ Itaan, mpal kàkõn un'koon, mē kàkal anà mǎö. Wée mpal yǎyi nswēēy, man'be mǎfǎwal mǎö,

¹⁰ mē waa kàkũ: nswēēy yǎlǎsyēen u mǎö, yan'syēen kà ukwà.

11 Ntɔn man'be, u mbwo nsil ayin, laa man'kür ma, u mbwo a nswɛɛn, anà u mbwo a wa, waa kan'pɛ ukwà.

12 Abun, un'kɔɔn wà in'kyɛɛl, nswɛɛn yà in'kyɛɛl, balàbal anà ubwan.

13 Apan, nkye undiir anàbwan kàkyàtwaal ukwà ntɔn mɛ? Kà ndandaa anki! Wɛɛ mà man'be: ma masyaäl undiir anàbwan mukan'pa ukwà, ntɔn wa kàmenà asànaa man'be anà muswan nkyɛl a man'be, u mbwo a nswɛɛn.

Mbuur anà man'be

14 Ndandaa, bi bàkyàyɔb naa un'kɔɔn wà wàdweelà. Wɛɛ mɛ, mɛ in'wà mbuur a un'sɔn a ndür, bàkyàn'yälà u man'be asànaa un'sɔ.

15 Ntɔn, mɛ in'fàyɔb anki ayà in'fàkyer mɛ: mɛ in'fàkyer anki ayà in'fàkwen mɛ, wɛɛ mɛ in'fàkyer ndaa in'fàtɔn mɛ.

16 Abun, isàkal naa ayà mpa in'fàkwen mɛ, mɛ in'fàkyer ya, mɛ an'kyey naa un'kɔɔn wà ubwan.

17 Kà mɛ anki in'kyer abun, wɛɛ man'be amà amu mɛ.

18 Ntɔn mɛ in'kyàyɔb naa amu mɛ, - mɛ in'kwen muten uboo a ndür amɛ - ubwan batɛy: ukwen akyer ubwan bàmwɔ, wɛɛ mɛ in'kakwo anki mukyer ba.

19 Kyakin ubwan in'kwen mɛ mukyer, mɛ in'kyerà anki, wɛɛ ube mpa in'kwen mɛ, mɛ in'wàmukyer ba.

20 Kyekà, isàkal naa mɛ an'kyer ayà mpa in'kwen mɛ, kà mɛ anki an'kyer, wɛɛ man'be amà amu mɛ.

²¹ Apan, me an'man un'koon wà: mpal in'kwen me mukyer ubwan, ube bàmanaäm.

²² U mpem amë, me in'fàman un'sak nton un'koon a Nzam.

²³ Wëë, uboo a itiir a ndür amë, me an'fàman un'koon asin wàmunwan a un'koon a un'yenà amë, wa kàman'buul un'so a un'koon a man'be amà uboo a itiir a ndür amë.

²⁴ Ngyeb akà me! Na asan'tsuun u ndür a ukwà yi?

²⁵ An'toon akà Nzam u mbwo a Yesu Klisto, Mwol abi! Mutsulà, me ñakwo in'wà un'so a un'koon a Nzam unsà un'yenà, un'so a un'koon a man'be unsà ndür.

8

Möö anà Dweelà a Nzam

¹ Lalan, apanà, ikwàndwà ifàkal anki nton baar abà amu Klisto Yesu.

² Nton un'koon a Dweelà awafàpà möö amu Klisto Yesu, kàman'tsuun unsà un'koon a man'be anà ukwà.

³ Nton undiir kàkal mpay mukyer unsà un'koon, nton un'son kun'kwaama ngwal, Nzam kàkyer akyer wa: nton man'be, Nde katoim Mwan ande ñakwo u ndür ayà asànaa ndür a man'be, nde kàpë ikwàndwà akà man'be unsà un'son.

⁴ Kàkyer nde abà nton balàbal alà kàlöömà un'koon lākwey amu bi, bi baar mpa ifàyikyà ungyel a iköb a un'son, wëë unsà Dweelà.

⁵ Abun sye, ungyel a iköb a un'sön, an'kyän aba mäfäsyääl imbuur, wëe baar abà ungyel a Dweelà, an'kyän aba mäfäsyääl yin'kyeel.

⁶ Ntön un'sön afäsyen kà ukwà, wëe Dweelà afäsyen u mōō anà u duu.

⁷ Ntön an'kyän a un'sön mäfàmbaär Nzam, ma mäfàkal anki ungyel a un'koon a Nzam, ma makwo anki akà ikikye.

⁸ Kyekà, baar bafàkal ungyel a iköb a un'sön, ba bàkwe anki mupà Nzam un'sak.

⁹ Wëe akà bë, bë lābà anki unsà un'sön, wëe unsà Dweelà, isàkal naa ndandaa Dweelà a Nzam wà anà bë. Isàkal naa mbuur watëy anà Dweelà a Klistö, nde kà wà mbuur ande anki.

¹⁰ Abun, isàkal naa Klistö wà amu bë, ndür abë, ndandaa, yà ndür anàkwà ntön man'be, wëe Dweelà wà mōō abë ntön balàbal.

¹¹ Isàkal naa Dweelà a Nzam awà kàwiiy Yesu uboo a akū wà uboo a bë, mbuur awà kàwiiy Yesu Klistö uboo a akū asàpà sye mōō u ndür abë yà ukwà yi, u mbwo a Dweelà ande alà uboo a bë.

¹² Abun, aton amë, bi ibye anà nkul, wëe kà yà un'sön anki ntön mukal anà mōō a imbuur.

¹³ Ntön, isàkal naa bë lābà anà mōō unsà imbuur, bë lākyer asàkwà, wëe isàkal naa unsà Dweelà, bë lan'dwa nkääl abë yà imbuur, apan bë lāsàkal anà mōō.

¹⁴ Kyakin, baar abà bafasyeen unsà Dweelà a Nzam, ba bà baan a Nzam.

¹⁵ Ntön bë lāwel anki dweelà lāmwey lan'kwo

mubuul be aso anà mukàlapà bɔɔmà, wɛɛ Dweelà mwey afàlabuul bàṇàywaan nkà, waa anà bi ikuub in'kwen: « Wɔɔ Taa! »

¹⁶ Dweelà nde ṇakwo afàtə imbal akà dweelà abi naa bi ibà baan a Nzam.

¹⁷ Abun, ntɔn bi ibà baan, bi sye ibà akyee a kwal: akyee a Nzam anà akyee a kwal mbwo mwey anà Klistɔ, ntɔn bi ban'wal yar unsà mpay ande, bi sye isàwal yar unsà làkoo ande.

Làkɔɔ làyàya

¹⁸ Mɛ in'yweerà naa mpay a taan alà ikwo anki anà làkoo alà làyàmenà amu bi.

¹⁹ Ntɔn, nkyeer yanswà yàmudilà anà nkääṇ a mpem mɛɛy a baan a Nzam.

²⁰ Ntɔn, nkyeer yanswà yàṇàbilà ungyel a ikɔb a bunàbun, kà unsà ukwen aya anki, wɛɛ unsà ukwen a mbuur kàsi ya, wɛɛ làkyān lāmwo:

²¹ ntɔn ya sye iyàfàkal anki kà isɔ a kùüb ntɔn muwal yar a nsaay anà làkoo a baan a Nzam.

²² Abun, bi ikyàyòb naa nkyeer yanswà tii lalà yà unsà mpay asànaa usaay a bɔr.

²³ Kà ntɔn ya mpel anki: bi sye, bi baar ibye anà mbeṇ atàtweb yà Dweelà, bi ibàmulaal u mpem abi, mudilà ngywaan a nkà, ntsüüṇ a ndür abi.

²⁴ Ntɔn bi kàkyàwà mɔɔ, wɛɛ ngweel a mɔɔ ya yà unsà làkyān mpel. Abun, làkyān imanà bi là la kà làkyān anki. Kyekà, uman undiir bàsyee là làkyān ifàkal nsyeel a làkyān anki: làkyān báfàsà aben unsà undiir akamənà?

25 Wɛɛ usà làkyàn unsà undiir mpa ikamanà bi, yà mudil wa unsà mukuùná.

26 Ifà imwɛy sye, Dweelà làfàya mukibay unsà gyɔ̃lā abi, ntɔn bi iyɔb anki muyamà ubwanàbwan, wɛɛ Dweelà ñakwo afàyamà ntɔn bi mulaal unsà ngɔk mpa ukwo mbuur mutwey.

27 Waa mbuur awà afàlɛn muyɔb mpem akyàyɔb an'kyàn a Dweelà, ntɔn Dweelà afàyamà ntɔn baar in'kyɛl asànaa ukwen Nzam.

28 Bi ikyàyɔb sye naa indiir byanswà byàfàlyaan ntɔn ubwan a baar bàkwen Nzam, anà baar kàbel nde ntɔn nswaal ande.

29 Ntɔn, baar abà kàyɔb nde kusa, nde ba sye katsüül mukal bàbalàbal kà isii a Mwan ande, ntɔn naa nde awà ukal nswem uboo a atɔn mbɔɔn.

30 Baar abà kàlɔ̃n nde fà itaan, nde kàkyer abel sye, baar kàbel nde, nde ba kabuul bàbalàbal sye, anà ba akwà kàbuul nde bàbalàbal, nde kàkyer asyànà sye.

31 Abun, ininà bi ifàtɛn ntɔn indiir abi? Isàkal naa Nzam wà anà bi, nà asimbaär?

32 Abun, nde mbuur mpa kàtii Mwan ande ñakwo, wɛɛ nde kun'kab ntɔn bi banswà, ntɔn nkye mpa kipà nde, mbwo mwɛy anà Mwan ande, indiir byanswà?

33 Nà kan'kwo mufüün baar abà kàsɔ̃l Nzam? Nzam afatwey baar balabal!

34 Nà asatsüül mbar? Klistɔ Yesu kàkyàkwà, waa kàfàwiya, nde wà u kɔɔ a ibaal a Nzam,

wàmubɔɔn ntɔn bi!

³⁵ Nà asàkaab bi anà ukwen a Klistɔ? Lingyoomà, ngyeb, nkwaan, ngyal, làmbwà, kɔm itàkal igɔnsà?

³⁶ Asànaa bàsɔn naa:

« Ntɔn ngye, bi bàkidwa ilā anjukiinà,

ba bàfiwal asànaa ntsür bàfàsyen kà idwāäl. »

³⁷ Wɛɛ unsà ayi yanswà, bi ibà anàbɔn anàsɔɔnà u mbwo a mbuur awà kíkwen.

³⁸ Ɛɛ, ndandaa mɛ an'sà kam naa itàkal ukwà, itàkal mɔɔ, itàkal akyeey, itàkal amfum, itàkal papanà, itàkal taan làsàyà, itàkal ngwal,

³⁹ itàkal ngwal a du, itàkal ngwal a ngyel a mɛɛn, itàkal nkyeer asin, undiir mwey tɛy akaab bi anà ukwen a Nzam bàyàmenà amu Klistɔ Yesu awà Mwol abi.

9

Nzam anà un'sɛŋ kàsɔɔl nde

¹ Amu Klistɔ mɛ in'ten ndandaa, mɛ in'kur anki, u mbwo a Dweelà In'kyeel, an'kyan amɛ man'teelà imbal:

² u mpem amɛ, mɛ in'we anà ngyeb mbɔɔn anà usaay mpa bàfàtsü.

³ Ɛɛ, mɛ in'yàkwɛn naa ban'si in'küül, mɛ njakwo in'kaabà anà Klistɔ ntɔn atɔŋ amɛ, itoo amɛ u ndür.

⁴ Ba bà baar a Isàlɛl, abà unsà ngywaan a nkà, làkoo, nkwa, nkɔɔn, ngyamàkà, ilää

⁵ anà bàtaa, amu ba, unsà ndür, kàtoo Klistò awà udu a ya yanswà, Nzam anàsaak ipepey. Yà abwey!

⁶ Ya ikaswanà anki naa Ndaa a Nzam iboñ anki. Ntòn, baar banswà abà akyee a Isàlèl kà Bà Isàlèl anki,

⁷ anà, kà akyee a Abàlam banswà anki abà baan ande, ntòn Nzam kàtèn a Abàlam naa: « Ngye akyee asàwal u mbwo a Isak. »

⁸ Ikaswanà naa: kà baan a ndür anki unsà imbuur abà baan a Nzam. Baan a Nzam bà baan abà kabör nde uboo ilää'kun'pe nde.

⁹ Ntòn, ndaa ayi yàkal ilää: « Mè in'kyer asàyàfurà u panà atub alà, Saal asàkal anà mwan baal. »

¹⁰ Kà yàtsu' apan anki, Lebek sye kabör baan a mbuur mwey mpel, Isak, taaràbi.

¹¹ Apan, baan bàkal anki bànàtàbör anà bànàtàkyer anki itàkal ubwan, itàkal ube, ntòn nswaal a Nzam ikwe, ndaa yàkal kusa a nsööl kàkyer nde

¹² mukoon alab isal a baar, wée ukwen a mbuur kabel, waa kàtèn a Lebek naa: "Bwel asàsyääl un'kòm",

¹³ asànaa bàsön naa:

"Mè kàkwen Yakob, anà kàyiin Isawu."

¹⁴ Ininà bi iten? Nkye balabal latey amu Nzam? Kà ndandaa anki! »

¹⁵ Ntòn nde kàtèn a Mose naa:

"Mè in'sàsyääm mbuur an'kwen me musyääm

anà in'sàpà kab a ngway akà mbuur an'kwen mē
mupà kab a ngway.

¹⁶ Abun, ndaa ayi ifàkal anki ntòn ukwen itàkal
ngwal a mbuur, wēē u nsyääm a Nzam.

¹⁷ Kyakin Ndaa Anàson yàten ya a Falawo naa: «
Le, mē kasi mē mfum ntòn muswan amu ngye
ngwal amē, ntòn naa ikòb amē bàkyään kya u
mēen manswà. »

¹⁸ Abun, nde afasyääm mbuur ukwen nde, afàsà
mpem bwoor akà mbuur ukwen nde.

Nkyel anà ngyeb a Nzam

¹⁹ Wēē abun, ngye ayàten a mē naa: « Ntòn nkye
ufinjään nde, ntòn, akà mbuur mwey ukwe anki
mumbäär ukwen ande? »

²⁰ Wēē ngye awa nà, mbuur, ntòn musà Nzam
mbaan? Nkye làbuun lan'kwo làten a un'boom
ande naa: « Ntòn nkye kan'kyer ngye abà? »

²¹ Un'boom, kà wà mfum a tòm ande anki
mukyer a twar nsil alan, làbuun a ibyaäl, itàkal
làbuun a isal a bunàbun?

²² Ngye ininà atēn, isàkal naa Nzam akwen
mutwey nkyel ande anà muswan ngwal ande,
nde kàkyer asen buur anà nkääh a mpem mböön
an'buun a nkyel balöön ntòn ukwà,

²³ ayi yà ntòn nde mumēy un'naan a làkoo
ande akà an'buun a un'naan ande kusà a an'buun
a nsyääm kälöön nde kusà ntòn làkoo.

²⁴ Bi ibà baar kàbel nde, kà nà uboo Ayudà mpel
anki, wēē sye uboo a baar mpa abà Ayudà.

²⁵ Asànaa, un'kaan a Ɔzē utēenà wa naa:

Awà mpa kàkal un'seŋ amɛ, mɛ in'sun'beelà
un'seŋ amɛ,
awà mpa kàkal nkween amɛ, mɛ in'sun'beelà
nkwen amɛ.

²⁶ Ikal akyà batɛɛnà a ba naa: « Bɛ kà làbà un'seŋ
amɛ anki »,

ba bàsabeelà baan a Nzam a mɔ̃.

²⁷ Yesay, u mper yande, kasi un'kweŋ ntɔn Isàlɛl:
« Itàkal naa baan a Isàlɛl bàkal asànaa anseŋ a
ngyal a kolàkòl, baar ikikye bàsàwà mɔ̃.

²⁸ Ntɔn Mwol asàkwey Ndaa ande yanswà
làgyägyä u mɛɛn. »

²⁹ Yesay awà kàtàtà ngɔɔm kusà naa:

« Isàkal naa Mwol a anità kàsiwey anki ikyee,
abà bi kàkyàbulà asànaa Sɔɔɔm,
bi kalàkal balàbal asànaa Gɔmɔr. »

Isàlɛl anà ngweel a mɔ̃

³⁰ Apanà, ininà bi ifàtɛn? Ayi: baar mpa abà
Ayudà, mpa bàlɛnà mubulà bàbalàbal, bàkyàwal
balàbal lan'fà u làkwikilà,

³¹ kyekà Isàlɛl awà kàlɛnà un'kɔɔn ntɔn mubulà
balàbal, kàsàman anki la.

³² Ntɔn nkye? Ntɔn balàbal alà ba la bàyadilà
anki unsà làkwikilà, wɛɛ ba bàsii naa ba la
bàsawal unsà isal. Ba bàyàbòl akà « un'kul awà
afàbwiɣ »,

³³ abun, bàsɔn naa:

« Le, mɛ kan'tɔɔl u Siyɔnà un'kul afàbwiɣ,
nkɔŋ ifàbwiɣ.

Wɛɛ mbuur afàsà làkwikilà amu Nde usàman
anki nswen. »

10

¹ Atɔŋ, un'laän awà u mpem amɛ anà ngyamakà amɛ akà Nzam ntɔn ba, yà naa ba bawu mɔɔ.

² Ntɔn, mɛ in'wà mbal, ba bye anà uyɔl akà Nzam, wɛɛ kà uyɔl abakapaa pɛɛlà anki u ngyöb.

³ Mudiimà balabal lafafa akà Nzam anà muleŋ muşà là ba ŋakwo, ba bafakal anki ungyel a balabal a Nzam.

⁴ Ntɔn ntsüü a un'kɔɔn yà Klistɔ, ntɔn bape balabal akà mbuur wanswà awe anà làkwikilà.

Mɔɔ wà ntɔn mbuur wanswà kan'kyey Mwol

⁵ Nde ŋakwo Mɔsɛ kàson ntɔn balabal lan'fa akà un'kɔɔn naa: « Mbuur asakwey nswɛɛŋ ayi, asakal anà mɔɔ u mbwo a ya. »

⁶ Wɛɛ, balabal lafafa unsà làkwikilà làten abà: « Twon an'ten u mpem angye naa: "Nà asabeenà du?" » Apey yà mutyeey Klistɔ.

⁷ Itàkal naa: « Nà asàtyà kà un'baan? Nkye apey yà mumbaar Klistɔ uboo a aku? »

⁸ Wɛɛ wa atɛɛnà aben? « Tsutsü apà ngye, yà ndaa, u mun anà u mpem angye. » Ndaa ayi, yà ndaa a làkwikilà alà ipay bi lasaŋ.

⁹ Isàkal naa u mun angye, ngye afatà imbal naa Yesu wà Mwol, isàkal naa u mpem angye, ngye awe anà làkwikilà naa Nzam kun'wiyy kà ukwà, ngye asawa mɔɔ.

¹⁰ Kyakin, làkwikilà lafabuul baar balabal lafafa u mpem, anà imbal aki ifawiiy baar mɔɔ ifatoo u mun.

11 Ntɔn, Ndaa Anàsɔn itɛɛnà naa: « Mbuur usàsà làkwikilà amu Nde, bàsun'mɛɛy anki nswɛn. »

12 Abun, nsöön yatɛy uboo Ayudà anà Angɛlɛki: ba banswà bà Mwol mwɛy, awà afàpà indiir ande akà baar banswà bàfun'bel.

13 Abun, mbuur asabel ikɔb a Mwol akyer asàwà mɔɔ.

14 Wɛɛ, ba bàyun'bel aben isàkal naa làkwikilà amu nde latɛy? Ba làkwikilà bàyàsà aben amu nde, isàkal naa ba bàɲàtun'wem anki? Ba bàyun'wem aben isàkal naa mbuur ɲàtalɔɲ anki?

15 Wɛɛ ba bàyàlɔɲ aben, isàkal naa ba batòɹm anki? Yumwɛy bàsɔn ayi: « Myà ubwan in'kol a baar abà bàfàpay Làsaɲ Anàbwan! »

16 Wɛɛ ba banswà bàkyey anki Làsaɲ Anàbwan alá.

17 Abun, làkwikilà làfàyà unsà ndaa bàfàwem, ngweem ifàfà u mbwo a Ndaa a Klistɔ.

18 Apan, mɛ in'fuul naa: Nkye ba bàwem anki? Ɛɛ, bàkyàwem! Ntɔn, bàsɔn naa: « Làbɔl aba làpää u mɛɛn manswà, ndaa aba yàtɔl tii u ntsüü a mɛɛn. »

19 Abun, mɛ in'fuul naa: Aben, baar a Isàlɛl bàyɔb anki? Utàtwɛb Mɔsɛ kàtɛn naa: « Mɛ in'yàsɛɛn un'kɔl abɛ akà undiir mpa awà un'sɛɲ, mɛ in'yàmbaar nkyɛl abɛ akà un'sɛɲ akɔɔn un'yɛnà. »

20 Yesay kan'kyà kwɛl mutɛn naa:

« Mɛ bàmàkan'man akà baar mpa bàyan'lenà,

mɛ kàkàmɛɛy akà baar mpa ban'löömà akà undiir mwey. »

21 Wɛɛ ntɔn Isàlɛl, Nde kàtɛn naa:

« Ilà' aɲukiinà mɛ an'lɛɛ an'kɔɔ

akà un'sɛɲ aɲunkwɛm anà wàɲun'tswe ngwal. »

11

Nzam kàpiy anki Isàlɛl

1 Abun, mɛ in'fuul naa: Nkye Nzam kàpiy un'sɛɲ ande? Akà ikikye! Ntɔn mɛ ɲàkwo iwà un'nsi Isàlɛl, itoo a Abàlam, uboo a ywar a Bɛnsàmɛn.

2 Nzam kàpiy anki baar ande kàsööl nde itaan. Imɛnà naa bɛ làkayöbà anki naa Ndaa Aɲàsɔn nkye itɛɛnà, u mbwo aya kàsi Elya tär ntɔn Isàlɛl a Nzam:

3 « Mwol, ba bàkyer adwa aɲangɔɔm angye, bàpay mɛsà a ibɔɔn angye, mɛ kàsàsal mɛ mpɛl, anà ba bàkwɛn mukan'dwa sye! »

4 Wɛɛ, Nzam kàmun'fuur aben? « Mɛ kàyɛɛ ntɔn mɛ baar nsaab nsàmbwar yà abaal, baar mpa bàsàbwà kà an'bwan kusà a Baal. »

5 Yà balàbal utaɲ alà, ban'saal baar ikikye kan'sööl Nzam unsà kab a ngway ande.

6 Wɛɛ, isàkal naa unsà kab a ngway, kà unsà isal anki, iswanà naa kab a ngway kà là kab a ngway anki.

7 Apanà, bi ifàtɛn aben? Undiir ulɛɲà Isàlɛl, nde wa ɲàtàkaar anki, wɛɛ baar bàsööl bàkyer akaar wa, wɛɛ akà bumwey, mpɛm aba yàbulà bwoor,

⁸ asànaa bàsòn ya naa: « Nzam kàpɛ dweelà a bɔɔmà, mii ntɔn ukɔɔn aman, an'tsu' ntɔn ukɔɔn awem, tii nàbà. »

⁹ David waa kàtɛn sye naa:

« Wey mesà aba ibulà untaam anà an'tey ntɔn ba, ntɔn mbwaeel anà ntaanàmbar ntɔn ba!

¹⁰ Wey mii aba ibu' mpib, tii mpal bàyàfàman ba. Abɔɔlà mùm ipepey. »

¹¹ Waa mɛ in'fuulà naa: nkye ntɔn mbweel ipepey, waa ba bàsɛlà? Kà ndandaa anki! Wɛɛ ntɔn ibii aba, waa Nzam kàpɛ mɔɔ akà baar mpa abà Ayudà, ntɔn musen un'kol a Isàɛl.

¹² Kyekà, isàkal naa ibii aba byàpɛ un'naan u mɛɛn, anà ntyeey aba un'naan a baar mpa abà Ayudà, abun nsuub aba yàṇàkwo iyàtwaal un'naan a nkye ifà?

¹³ Mɛ amàlakyään, ntɔn bɛ baar mpa làbà Ayudà: in'wà mɛ paa, mɛ, ntòöm a baar mpa abà Ayudà, mɛ in'fàpà làkoo kà isal amɛ

¹⁴ unsà làkyän musen un'kol. Mɛ in'sii naa mɛ in'yàsɛɛn un'kol a atɔṇ amɛ unsà ndur ntɔn mutswà mɔɔ a ndam a baar uboo a ba.

¹⁵ Ntɔn, isàkal naa nsyeel a ba ukɔl yàfuur un'tuüb a Nzam anà mɛɛn, mfurà aba iyàkal aben? Ya isàkal asànaa mfurà a baar fà ukwà tii u mɔɔ.

¹⁶ Kyekà, isàkal naa kab atàtweb là in'kyeɛl, mfwar yanswà iyàkal in'kyeɛl, isàkal naa un'swey wà in'kyeɛl, an'kòkà màyàkal mà in'kyeɛl.

¹⁷ Wɛɛ isàkal naa an'kòkà mamwɛy bàkyàtsuul, wɛɛ ngye, un'te a òlive a ndwan, ngye bakòn uboo a an'kòkà màsàsal kà un'te a òlive nton badii anà ma u mbwo a un'swɛy mwɛy anà u mbwo a inò mwɛy kya,

¹⁸ twon an'swan ngaal kusà a an'kòkà amànjàtsul. Ngye an'kwo aswɛɛ ngaal, wɛɛ kà ngye anki asɛɛnà un'swɛy, wɛɛ un'swɛy akasɛɛnà.

¹⁹ Apan, ngye ayàten naa: « An'kòkà bàtsul ma nton mɛ ban'kòn. »

²⁰ Ye abwɛy. Batsul ba ma nton bwoor a mpem a ba. Wɛɛ ngye, unsà làkwikilà waa ngye awà paa. Twon an'sɛn an'pɛy, wɛɛ kal kà igyɛɛɛ.

²¹ Nton, isàkal naa Nzam kàtii anki an'kòkà màfàtoo ma ñakwo, kal kà igyɛɛɛ, manà nde ukòòn asatii, akà ikikye!

²² Ler ubwan anà nsyeel a mii a Nzam: nsyeel a mii akà baar abà bàbù, ubwan akà ngye, isàkal naa ngye awà mulalà uboo a ubwan ba, naa tɛy, ngye sye bàkyɛr asalwom.

²³ Wɛɛ akà ba, isàkal naa ba ban'wɛy bwoor a mpem aba, ba bàkyɛr asakòn, ba sye, nton Nzam wɛ anà ikòb mukakòn mbalà asin.

²⁴ Abun, isàkal naa ngye, ngye kàlwomà unsà un'te a òlive a ndwan awà katwɛy wa ñakwo, waa bakòn unsà un'te a òlive a boo a bul, itàkal naa kà wa anki katwɛy, nton nkye mpa bàfuur kà un'te a òlive a boo a bul an'kòkà amà kàtwɛy nde ñakwo?

Möö a ntsüü a baar a Isàlɛl

²⁵ Ntɔn mɛ inkwen anki, atɔŋ, naa bɛ ləkɔɔn ayɔb ngyee ayi, manà bɛ làyamɛnà naa bɛ làbà aŋan'yeerà: ndam a baar a Isàlɛl, mpem aba isàkal yàŋàbwà bwoor mbɔɔn tii mpal bàsàbilà baar mpa abà Ayudà banswà uboo a un'sɛŋ a Nzam.

²⁶ Apan, Isàlɛl kyanswà isàwà mɔɔ, asànaa bàsɔn ya naa:

« Un'tswää a mɔɔ asátoɔ u Siyɔnà,
nde asàlwom ubɛ a Yakɔb.

²⁷ Ya isàkal nkwa amɛ anà ba,
mpal in'sàlwom mɛ man'be aba. »

²⁸ Ntɔn Làsɔŋ Aŋàbwan, ba bà ayiɔŋ a Nzam, ntɔn ubwan abɛ, wɛɛ, ntɔn nsɔɔl a Nzam, ba bànkween ntɔn bànkɔaa aba.

²⁹ Ntɔn, Nzam ufádúum anki kab a ngway ufàpà nde, nde ufàsɔɔm anki mbeel ande.

³⁰ Abun sye, itaan, bɛ Nzam lun'kyeyà anki, apanà, ntɔn unkwem aba, bɛ bàkyàlasyääm,

³¹ abun, ukɔɔn unkyeey aba apanà kan'kyer naa Nzam kisyääm, anà nde usyääm sye ba banswà.

³² Ntɔn, Nzam kábäim baar banswà uboo a unkwem ntɔn musyääm ba banswà.

³³ ɔɔ, indúbà a un'naan, a an'yeerà anà a un'yɛnà a Nzam! Ntsüül a mbar ande ufàgyool anki, mbwo ande ufàkul anki!

³⁴ Asànaa itɛɛnà Ndaa Aŋàsɔn:

« Nà kàyɔb an'kyän a Mwɔl?

Itàkal naa nà kan'kwo mukal un'pɛɛl a an'lwen ande?

35 Itàkal naa nà kàtun'pà undiir

waa nde kàfun'lõõm mfuür awa? »

36 Ntõn undiir wanswa afu' aka nde, u mbwo a nde, ntõn nde. Akà nde làkoo a mbul a in'tye! Yà abwey.

12

Mõõ akün unsà isal a Nzam

¹ Atõn, me amàlalcõm, kikõb a nsyääm a Nzam, làkab ndür abe asànaa ibõõn a mõõ, kyà in'kyeel anà kyàmupà Nzam un'sak: kya isàkal ngyamàkà a ndandaa ntõn be.

² Twon lan'lab nsyääl a meen a mpal ayi, wëe làkàl bànàbulà u nsõõmà a un'yenà ntõn musà nsõõl unsà ukwen a Nzam: undiir anàbwan afàpà nde un'sak anà wànjàkwo.

³ U mbwo a kab a ngway alá ban'pe, me in'ten akà umwey umwey uboo a be: twon lan'kal anà uyol anàsõõnà anà uyol tii unsà undiir ayobà, làyobà mbõõn ntõn mutõn uyol, umwey ntõn isii a làkwikilà alá kun'pe Nzam.

⁴ Asànaa bi ibà itiir mbõõn unsà ndür mwey, wëe itiir abi byanswà kà byà isal imwey anki.

⁵ Kyakin, itàkal naa bi ibà mbõõn, bi ibà ndür mwey unsà Klistõ, ntõn bi ibànàtuüb amwey anà bumwey, asànaa itiir a ndür mwey.

⁶ Bi ibye anà an'kab mäsõõn, mulab kab a ngway alá bipë, nkye la là kab a ngõõm? Wëy bàsyääl la unsà un'tuüb anà làkwikilà.

⁷ Nà awe anà kab a isal? Wey nde upé mōō ande unsà isal. Umwey usàkal anà kab alon, wey nde ulon.

⁸ Nkye wumwey we alá làlèel? Wey nde ulèel. Wey mbuur afàpà, upé ukōon asà un'tal, mbuur asyen, ukyer anà un'kanà, mbuur afàsyāām, ukyer unsà un'sak.

⁹ Wey ukwen abe bàkōon akal bà mpem ywel. Làsi làyiin akà ube, làbāāb anà ubwan:

¹⁰ - nton ukwen a iton, làkal anà ukwen mbōon bē a bē, - nton ibyāāl, làkal bàtātweb musyāñà baar asin,

¹¹ - nton isal a Mwol, làkal ngwal unsà Dweelà, lun'syāāl asānaa asō,

¹² - nton làkyāñ, làkal unsà un'sak, - nton mpay, làkal anà nkāāñ a mpem, làsi mukuūnà u ngyamàkà

¹³ - nton ngyal a anin'kyeel, labay, làkal anà un'kaay.

¹⁴ Làsaak baar abà bàfàlamēey nkwaan: lasaak, twon làsi in'kuūl.

¹⁵ Làsāñ anà baar abà unsà un'sak, làlèl anà baar bàlèlè.

¹⁶ Làkal anà un'tuūb a ngwal bē a bē: twon lan'kal anà ngyal a indiir an'kōl an'kōl, wēē, wey bàlasyeen akà indiir a làbōōn. Twon lan'kyey uyol naa bē làbà anan'yeerà.

¹⁷ Akà mbuur mwey, twon lan'fuur ube kà ikal a ube. Taan lanswà, lalen mukyer ubwan kusà a baar banswà.

¹⁸ Kya ipol isàkal, naa ba ukwen abe, làkal a duu anà baar banswà.

¹⁹ Nkween amē, twon lan'fuur be ñakwo ube akà ube, wē lāwēy nkyel a Nzam isal, ntōn bàsōn naa: « Mwol kàtēn naa: "Mfuur a ube yà yāmē, mē kan'kwo mufur nsyāäl a umwēy umwēy.

²⁰ Wē isàkal naa un'yiin a ngye we anà ngyal, un'pē udyà, isàkal naa nde we anà mfyāä, un'pē unwà. Ntōn ngye asàkyer abun, ya yà asànaa an'kal a mbaa ngye akasaa udu a un'tswe ande." »

²¹ Abun, twon an'wēy naa ube bàwēl ibōñ udu a ngye, wē kal wàñàbōñ kusà a ube mukyer ubwan.

13

Unkyeey akà abyääl

¹ Wey mbuur wanswà ukal anà unkyeey akà amfum abyē anà ikōb, ntōn, kà kye anà ikōb anki ikōñn afà akà Nzam anà kàkōñn asà Nde.

² Abun, mbuur afàmbäär ikōb, nde afàmbäär nswēñ kàkwen Nzam. Baar bàfàmbäär ya, bàsànaan ntaañàmbar udu a ba ñakwo.

³ Apan, antēn kà baar awem bōomà anki akà baar bàfàkyer ubwan, wē akà baar bàfàkyer ube. Nkye ngye akwen mukōñ awem ntēn bōomà? Kyer ubwan, waa nde kasyāñà.

⁴ Ntōn, nde wà un'syāäl a Nzam ntōn mukasiinà mukyer ubwan. Wē, isàkal naa ngye afàkyer ube, apan, man bōomà! Ntōn, kà bunàbun anki awà nde anà kōm mupà ntaañàmbar: nde wà

un'syàäl a Nzam ntòn muswan nkyel ande akà mbuur un'be.

⁵ Kyakin, yubwan mukal anà unkyeey, kà nà ntòn bɔɔmà a nkyel mpel anki, wɛɛ sye, ntòn an'kyän.

⁶ Kyakin sye làfàfur be iter, ntòn baar bàfàwal bya, ba bà uboo a isal a Nzam ntòn mukwey kya ubwanàbwan.

⁷ Làpɛ akà mbuur mbuur undiir awà ilɔɔmà mukun'pà: iter, akà mbuur awal iter, ibaa, akà mbuur awal ibaa, bɔɔmà, akà mbuur awal bɔɔmà, làbɔɔn, akà mbuur awal làbɔɔn, ibyàäl, akà mbuur awal ibyàäl.

Ukwen a amwey anà bumwey

⁸ Twon lan'kal anà nkul a mbuur, naa tɛy, nkul abɛ, yà mukwen amwey anà bumwey. Ntòn mbuur afàkwen mbuur wumwey, nde kan'kwey un'kɔɔn.

⁹ Apan, nswɛɛn asànaa: « Twon an'tà inswem, twon an'dwa, twon an'yib, twon an'yɔm mpem », anà yumwey yanswà, yan'bilà unsà ndaa yi: « Ngye asàkwen un'tɔn angye asànaa ngye ñakwo. »

¹⁰ Ukwen bàfàkyer anki akà ube mwey akà un'tɔn. Ukwen, yà mukwey un'kɔɔn wanswà.

Làkäl kà igyɛɛn ntòn ngyeel a Klisto

¹¹ Làkäl kà igyɛɛn muyɔb naa bi ibà mpal nà: làwiya u twaal abɛ. Ntòn ñàbawà, ngweel a mɔɔ yà tsutsu apà bi, akwànaa utaən kàsɛmà bi musà làkwikilà.

¹² Mpib yàbù itaan, mwaänà wà tsutsu. Lalan, bi ipiy isal a lapib, bi ibwaar an'tà a peelà.

¹³ Wey bi iyikyà a swalaa, asànaa u mwaänà answà, ukoon in'kyom anàsöönà anà ngyöör a man, ukoon ndaa a nswen anà ipasàse, ukoon an'sye anà un'kol.

¹⁴ Wée ləbwaär Mwol Yesu Klisto, twon lan'pà möö abe unsà ndür ntön mupà un'sak akà ilään aya.

14

Ukoon atsüül un'ton nsan

¹ Lun'wel mbuur awe anà gyöölà unsà ləkwikilə, twon lan'ler an'kyän ande pansi pansi.

² Ləkwikilə a mbuur mwey lun'paa mbwo muddyà undiir wanswà, wée wumwey, u mbwo a gyöölà, afàdyà ndon mpel.

³ Wey mbuur afàdyà, ukoon adyà un'siinà mbuur mpa afàdyà anà mbuur mpa afàdyà ukoon atsüül mbuur afàdyà nsan, ntön Nzam kàkyun'wal.

⁴ Ngye, ngye awà nà mutsüül un'syääł abar nsan? Itàkal naa nde wənjətsim, itàkal naa nde wənjəbwà, ntön Mwol we anà iköb mukun'mbaar.

⁵ Akà mbuur umwey, ye anà nsöön uboo a ilä. Akà wumwey, bya byanswà byà mfun. Wey mbuur mbuur, amu an'kyän ande njakwo, ukal anàsà kam.

⁶ Mbuur afàsà ilä un'tal, nde afàkyer ntön Mwol. Mbuur afàdyà indiir byanswà, nde

afàkyer ntòn Mwol, nde afàfuur an'tòon akà Nzam. Mbuur mpa afàdyà bya byanswà afàfuur an'tòon sye akà Nzam.

⁷ Kyakin, kà we anà umwey anki uboo a bi afàkal anà mǝǝ ntòn nde mpel, kà umwey anki sye afàkwà ntòn nde ñakwo.

⁸ Ntòn, isàkal naa bi ibye anà mǝǝ, bi ibà ntòn Mwol. Isàkal naa bi kan'kwà, bi kan'kwà ntòn Mwol. Lalan, itàkal naa bi ibye anà mǝǝ, itàkal naa bi kan'kwà, bi ibà ntòn Mwol.

⁹ Lalan, ntòn mukal Mwol a akū anà wà baar a mǝǝ waa Klistò kàku anà kàfyefurà u mǝǝ.

¹⁰ Wɛɛ ngye, ntòn nkye atsüülà ngye un'ton angye nsan? Abun, bi banswà isàkal kusà a làbay a nsan a Nzam.

¹¹ Asànaa kàtɛn Mwol:

« Mɛ, Mwol in'wà anà mǝǝ, an'kyey naa:
baar banswà bàsyebwà an'kòim kusà amɛ,
ba banswà bàsàsyāñà Nzam. »

¹² Abun, mbuur mbuur uboo a bi asàkyer asà un'lon akà Nzam ntòn nde ñakwo.

Nkǝǝn abwiy un'ton

¹³ Bi ikyer awey mutsuul nsan bamwey anà bumwey, wɛɛ làkyer naa bɛ làkǝǝn akal isin a mbweel a un'ton.

¹⁴ Akà mɛ, mɛ in'kyàyòb, mɛ an'sà kam unsà Mwol Yesu naa: undiir a ñingyäy watɛy. Wɛɛ undiir a ñingyäy wà akà mbuur awà kan'kyey naa wa wà abun.

¹⁵ Isàkal naa un'ton angye kan'man ngyeb nton isaa an'dya ngye, ngye afakal anki uboo a ukwen. U mbwo a isaa angye, twon an'bwiy mbuur awa kàkweel Yesu.

¹⁶ Wey undiir anàbwan nton be uköon akal nton mutwee be.

¹⁷ Nton, Imwol a Nzam ka kyà udyà anà unwà anki, weë balàbal, duu anà un'sak amu Dweelà In'kyeel.

¹⁸ Mbuur ufàsyääl Klisto abà, asànaa un'so, Nzam akyer afun'kyey, baar bàkyer afun'kwen.

¹⁹ Lalan, bi ilab indiir byàfàpà duu anà indiir byàfàton iton.

²⁰ Twon an'dwa isal a Nzam nton isaa. Ndan-daa, indiir byanswa byanàponà, weë ya ube mudyà undiir kan'kwo mukal kyà nton un'ton.

²¹ Yubwan mukoon adyà in'twan, itàkal unwà man bàfàyor, itàkal undiir asin kan'kwo mubwiy un'ton angye.

²² Kaar nton ngye, kusà a Nzam, làkwikilà awa ngye alà. Un'sak akà mbuur mpa afàtsüül nsan nde njakwo nton nsööl ande ufàsyääl nde.

²³ Weë mbuur akadyaa anà nkyeer, nde wànjàkwà ndwà, nton nkaäl ande ka yan'fà anki u nsyeel a kam ande unsà làkwikilà. Kyekà, undiir wanswà mpa afàfà u nsyeel a kam unsà làkwikilà wà man'be.

15

Un'sak nton aton

¹ Bi baar ibà ngwal, bi ikyer aseɛn gyöölà a baar mpa abà ngwal anà mukɔɔn alen ubwan abi ñakwo.

² Wey mbuur mbuur uboo a bi ulen mupà un'sak akà un'ton ande nton mukun'bay muyel unsà lăkwikilà.

³ Lalan, Klistɔ kàlen anki indiir byàpɛɛ nde un'sak, wɛɛ, asànaa bàsɔn naa: « In'tswe a abweel in'tswe angye myàkyàbwà udu a mɛ. »

⁴ Kyekà, indiir byanswà bàsɔn kusà byàkal nton an'lon abi, nton naa, u mbwo a mukuünà anà ndeel yatwàäl Ndaa Anàson, bi ikal anà lăkyàn.

⁵ Wey Nzam a mukuünà anà ndeel, kàlapɛ mukal un'tuüb uboo a bɛ, asànaa ukwen Klistɔ Yesu,

⁶ nton, u mpem mwey anà u mun mwey, bɛ làsi lăkoo akà Nzam, Taar a Mwol abi Yesu Klistɔ.

Làsan Anàbwan nton baar banswà

⁷ Làkal anà un'kaay bɛ a bɛ, asànaa Klistɔ kàlawɛl nde, nton lăkoo a Nzam.

⁸ Abun, mɛ alăkyään naa, kà ikɔb a lăä a Nzam waa Klistɔ kàbulà un'syàäl a baar anàkyey, nton mukwey ilăä kàpɛ nde akà bàtaa.

⁹ Akà baar mpa abà Ayudà, ba bàfàpà Nzam lăkoo nton nsyääm ande, asànaa bàsɔn naa:

« Kyakin, mɛ in'sasyañà uboo a in'sen a baar mpa abà Ayudà,

mɛ in'satɔɔl diim nton ikɔb angye. »

¹⁰ Nde kàfàten naa:

« In'seŋ a mpa abà Ayudà, làsàŋ anà un'seŋ ande!

»

¹¹ Itàkal sye:

« In'seŋ a mpa abà Ayudà, be banswà làsyàŋà
Mwol,

in'seŋ myanswà lun'syàŋà! »

¹² Yesay kàfàten naa:

« Kà itoo a Zese, mbuur akyer asàya,
nde akyer asàmbarà ntòn muyaal in'seŋ a baar
mpa abà Ayudà.

Baar mpa abà Ayudà bàsàsà làkyàn amu nde. »

¹³ Wey Nzam a làkyàn kàlayoöl a un'sak wanswà anà duu unsà làkwikilà, ntòn be làkal anà làkyàn anàsöönà u ngwal a Dweelà In'kyeel!

Pɔl we anà iköb musɔn

¹⁴ Ntòn be, atɔŋ amɛ, mɛ an'kyey ndandaa naa be làbà be ŋakwo làŋàyoöl a ubwan, làŋàyoöl a un'yenà wanswà anà lan'kwo mupà an'lweŋ be a be.

¹⁵ Apan, ntòn mufabay an'kyàn abɛ mbaa, mɛ amàlasöön anà unkir kà ikal byumwey, ntòn kab a ngway kan'pɛ Nzam

¹⁶ mukal un'syàäl a Yesu Klisto apà baar mpa abà Ayudà, mupà mɔö amɛ wanswà kà isal a Làsàŋ Anàbwan là Nzam, ntòn naa baar mpa abà Ayudà bàbulà an'kab kàkyey Nzam, mənàkyeel amu Dweelà In'kyeel.

¹⁷ Lalan, mɛ in'we anà ngaal amɛ amu Klisto Yesu ntòn isal a Nzam.

¹⁸ Ntòn, isakal naa mɛ in'we anà undiir aten, mɛ in'ten nà indiir kàkyer Klisto u mbwo amɛ ntòn

musyen baar mpa abà Ayudà kà unkyeey: amu ndaa anà amu isal,

¹⁹ unsà ngwal a idiim anà impà, unsà ngwal a Dweelà a Nzam. Apan, semà Yelusàlem anà ikal a tsutsu'tii u Iliri, me kàkyään anàkwo Làsan Anàbwan la Klisto.

²⁰ Wée me kàsi ibyāāl mukyaān Làsan Anàbwan nà kà ikal mpa bàkal anàtata ikòb a Klisto din, ntòn mukòon atòj udu a in'baān kàsi mbuur asin.

²¹ Kyakin me in'lab ndaa bàsòn naa:

« Baar mpa bakyāān ntòn Nde, bàkyer asàman, ba akwà mpa bàkal anàtawem musam ntòn Nde, bàkyer asàyòb. »

Pòl wàmuyōhà mukyà Lòmà

²² Undiir nsil awun kan'tsuñhà mbalà mbòon muyà akà be.

²³ Wée apan, me in'fàkal anki anà ikal asal ntsu' ayi akà, anà, semà mbul mbòon, me in'we anà ngyal mbòon muyà akà be,

²⁴ umpal in'yàkyà me Espanye. Me an'sà làkyān muyàlaler utaan in'yàlyaan me anà be mukan'bay mukyà kwo, ungo atàyòl a un'sak, itàkal ikikye, mukal anà be.

²⁵ Wée apanà, me in'wàmukyà Yelusàlem ntòn musyāāl anin'kyeel.

²⁶ Ntòn, Masedwan anà Akayi bàtsul mbar mukòhà indiir, ntòn mubay anàlambwà abà uboo a anikyeel a Yelusàlem.

²⁷ Inye, ba ñakwo bàtsul abun, wɛɛ, kuten aɲàbwan̄ ba bálàkyer abun. Nton, isàkal naa baar mpa abà Ayudà bàwɛl kab unsà indiir in'kyɛl aba, ba sye bàkyer afasyaäl unsà indiir a ngyal aba.

²⁸ Umpal in'sàkal mɛ aɲàmay anà aɲàpà kà imɛɛy indiir ban'bwiy, mɛ in'yàkyà ɛspanye, muyalyaan̄ apà bɛ.

²⁹ Mɛ in'kyàyòb naa muyà akà bɛ, mɛ in'yàyà aɲàyɔl a nsaak a Klistɔ.

³⁰ Mɛ in'lom akà bɛ, atɔɲ, akà Mwol Yesu Klistɔ anà u mbwo a ukwen a Dweelà, munwan un'tüüb anà mɛ u mbwo a ngyamàkà lāsaa bɛ akà Nzam nton mɛ,

³¹ nton mɛ in'kōōn akwelà akà baar a Yuday bà mpem bwoor bà, nton mbaay in'syen mɛ u Yelusàlɛm, anikyɛl bàwɛl ya ubwan̄abwan̄.

³² Abun, mɛ in'yàkolà apà bɛ unsà un'sak, kà ukwen a Nzam, anà muyöör anà bɛ.

³³ Wɛy Nzam a duu ukal anà bɛ banswà! Yà abwɛy!

16

Mbɔr abɛ

¹ Mɛ amàlatööm Föbɛ, mpääh̄ abi, un'syaäl a ndwà a Nzam ayà u Sanshrɛs.

² Lun'wɛl unsà Mwol, asànaa yan'kwo ya akà an̄in'kyɛl, lun'bay unsà ndaa yanswà uyàkal nde anà mfun abɛ. Nton nde kàkal un'yee a baar mbɔɔn anà wà mɛ ñakwo.

³ Lape Priskà anà Akila mbor, mbaay amɛ unsà isal a Yesu Klisto,

⁴ ba bàkyer alákwà ntɔn mukan'tswà mɔɔ. Kà me mpel anki kàfuur an'tɔn, wɛɛ sye Ikoöŋ a baar mpa abà Ayudà.

⁵ Lape sye Ikoöŋ byanswà ifàkòŋ u ndwà aba mbor. Lun'pe nkween amɛ Epenet mbor, mben atàtweb yà Azi ntɔn Klisto.

⁶ Lun'pe Màlye mbor, nde kàsàl mbɔɔn ntɔn be.

⁷ Lape Andronikis anà Yunyas mbor, aböör amɛ anà mbaay amɛ yà bolokà. Ba bà abyääl uboo a antööm, ba sye bàkal amu Klisto kusà amɛ.

⁸ Lun'pe Ampilayatus mbor, mbuur amɛ wàntal uboo a Mwol.

⁹ Lun'pe Luben mbor, un'baay abi amu Klisto anà nkween amɛ Stakis.

¹⁰ Lun'pe Apele mbor, mbuur kàswen inääm ande amu Klisto. Lape baar abà u ndwà a Aristobul mbor.

¹¹ Lun'pe un'böör amɛ Erodyon mbor. Lape baar abà u ndwà a Narsis abà uboo a Mwol mbor.

¹² Lape Trifen anà Trifos mbor, ba bamen mpay ntɔn Mwol. Lun'pe nkween Persis mbor, nde kàdwa'ndür unsà isal a Mwol.

¹³ Lun'pe Rufus mbor, awà bàsööl amu Mwol anà ngwän ande awà wàmɛ sye.

¹⁴ Lape Asynkrit, Felegon, Ermes, Patrobas, Ermas, anà aton abà anà ba mbor.

¹⁵ Lape Filoloke anà Zuli, Nere anà mpään ande, Olympas anà anjin'kyeel abà anà ba mbor.

¹⁶ Lapeelà mbor a ndüür in'kyeel bamwey anà

bumwey. Ikoöñ byanswà byà Klistò byàmàlapà mbor.

Ndeel a ntsüi'

¹⁷ Mè amàlalom, aton, mukal kà igyeeñ akà baar bafatwaal nkaabà anà bafabwiy anàlakwikilà ndwan muton an'lon amà làwèl bè. Lakal u kwel an à ba.

¹⁸ Nton baar aban bafasyaal anki Klistò, Mwol abi, wèe an'bal aba, anà, unsà ndaa aba yà ntsà anà an'yääm aba mà loor, mafakur baar a làböñ.

¹⁹ Baar banswà bàkyayob unkyeey abè. Lalan mè in'wà unsà un'sak nton bè, wèe mè in'kwen naa bè lakal anan'yeerà nton ubwan anà ankor nton ube.

²⁰ Yan'sal ikikye, Nzam a duu ayàbwanà Satanà ungyel a in'kol abè.

Wey kab a ngway a Mwol abi Yesu lakal anà bè!

²¹ Tumàte, un'baay amè, kàmàlapà mbor, anà Lusyus, Yason anà Sosipatros, aböör amè.

²² Mè Tertyus in'sonà un'kaan wà, mè amàlatööm mbor unsà Mwol.

²³ Gäyus, mbuur kan'wel, anà Ikoöñ kyanswà ifaköñ u ndwà ande kàmàlapà mbor. Erast, mbuur afakaar ngim a bul lanswà kàmàlapà mbor, anà un'ton Kartus.

²⁴ Wey kab a ngway a Mwol abi Yesu Klistò lakal anà bè banswà! Wöwo!

Lakoo là nton Nzam mpel

²⁵ Bi isyañà Nzam! Nde we anà iköb mukàlapà ngwal asànaa làlòmà Làsan Anàbwan

in'fàkyään me ntɔn Yesu Klistɔ, mulab ngyöb
kàwɛl bi u ngyööh anàyeɛ a Nzam. Ngyööh ayi
yàkàl yànyàyeɛ itaan, taan mbɔɔn,

²⁶ wɛɛ apanà, ya bàkyàmɛɛy u pɛɛlà anà u
ngyöb a baar mpa abà Ayudà u mbwo a in'kaan
a anangɔm anà mulab nswɛɛn a Nzam iköön
ntsüü. Ya bàkyàswan akà in'sɛn myanswà, ntɔn
mya myasi làkwilà amu Nde anà myun'syää.

²⁷ Wey làkoo làkàl akà Nzam awà Nde mpɛl
ɲan'yeerà, u mbwo a Yesu Klistɔ, u mbul a in'tye!
Wöwö!

Bible Iyansi

The New Testament in the Yansi language of the Democratic Republic of the Congo: Bible Iyansi

copyright © 2024 Seed Company in coordination with Forum Communautaire des Traducteurs de la Bible et Alphabétisation

Language: (Yansi)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-10

PDF generated using Haiola and XeLaTeX on 10 Sep 2025 from source files dated 10 Jul 2025

533ada40-f65c-5c48-9141-b107f37a0a9f